



**KUJTESA NET
RRON SHALA**

**Pronar
Prishtinë**

**Rasti Nr. 2018/10
Ref:1807/802/KPM/mf**

VENDIM

Lidhur me Rastin Nr. 2018/10 – Komisioni i Pavarur i Mediave (KPM) për KUJTESA NET (“Pala Përgjegjëse”)

Faktet

1. Komisioni i Pavarur i Mediave (KPM) ka miratuar Rregulloren për Shpërndarjen e Ofruesve të Shërbimeve Mediale Audio dhe Audiovizuale KPM-2016/01, e cila ka hyrë në fuqi më 28 korrik 2016. Me këtë Rregullore janë përcaktuar rregullat dhe procedurat për shpërndarjen e ofruesve të shërbimeve mediale nga ana e operatorëve, të cilët pavarësisht teknologjisë së përdorur, shpërndajnë përmbajtje audio dhe audiovizuale.
2. KPM me datën 12 shkurt 2018, ka kërkuar nga Pala Përgjegjëse, që të sjell marrveshjet për të drejtat e ritransmetimit për 14 kanalet të cilat janë gjetur në ritransmetimi pa marrëveshje valide.
3. KPM me datë 1 mars 2018, ka pranuar përgjigje nga Pala Përgjegjëse në lidhje me kërkesën e KPM-së, duke ofruar sqarime dhe marrëveshje lidhur me kërkesën. KPM pas vlerësimit të marrëveshjeve gjen së Pala Përgjegjëse nuk ka siguruar marrëveshje për të drejtat e transmetimit për dy kanale.
4. KPM, pas të gjeturave nga Raporti i monitorimit, me datën 13 mars 2018, i ka dërguar Palës Përgjegjëse, Njoftim për Shkelje me të cilin e ka njoftuar për shkeljet e bëra dhe i ka kërkuar të veprojë në pajtim me Rregulloren KPM-2016/01, duke i sjell marrëveshjet valide edhe për dy kanale. Poashtu, në Njoftim paralajmërohet që dështimi për të vepruar në pajtim me Rregulloren KPM-2016/01 edhe pas Njoftimit për Shkelje, do të rezultojë me rekomandim në Komisionpër ndërmarrjen masave ligjore në pajtim me nenin 30 të Ligjit të KPM-së ndaj Palës Përgjegjëse.
5. KPM, pas Njoftimit të dërguar ka bërë monitorimin e radhës dhe në bazë të Raportit të monitorimit të datës 17 prill 2018, ka gjetur se Pala Përgjegjëse nuk i ka sjell të drejtat e ritransmetimit për kanalën KANAL D, të cilin e ritransmeton pa marrëveshje valide.

Analiza Ligjore

6. Komisioni i KPM-së bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të nenit 4 paragrafi 1, të Rregullores KPM-2016/01.

Neni 4, paragrafi 1, i Rregullores KPM-2016/01 përcakton se:

“I licencuari obligohet të bëjë shpërndarjen e ofruesve të shërbimit mediale bazuar vetëm në marrëveshje valide për shpërndarjen e shërbimeve mediale audio dhe audio-vizuale”.

7. KPM duke u bazuar në Raportin e monitorimit gjen se Pala Përgjegjëse edhe pas kërkesave të vazhdueshme të Zyres Ekzekutive, ka dështuar që të marrë hapa të nevojshëm për të ardhur në pajtueshmëri me nenin 4, paragrafi 1, të Rregullores KPM-2016/01.
8. Prandaj, KPM duke u bazuar në faktet dhe analizat e lartpërmendura gjen se Pala Përgjegjëse ka bërë shkelje të nenit 4, paragrafi 1 të Rregullores KPM-2016/01.

Vendim

9. Komisioni i KPM-së bazuar në nenin 5, paragrafi 3, të Rregullores KPM-2016/01, urdhëron Palën Përgjegjëse të ndërpresë menjëherë transmetimin e kanalit KANAL D.
10. Komisioni i KPM-së në pajtim me nenin 30, paragrafi 1, të Ligjit të KPM-së, , merr vendim që Pala Përgjegjëse të sanksionohet me gjobë në vlerë prej dy (2,000) mijë euro për shkelje të nenit 4, paragrafi 1, të Rregullores KPM-2016/01.
11. Në rast se Pala Përgjegjëse edhe pas pranimit të këtij vendimi nuk e heq kanalën KANAL D nga platforma e shpërndarjes ashtu siç përcaktohet me nenin 5, paragrafi 3, të Rregullores KPM-2016/01, Komisioni do të ndërmarrë masa tjera sanksionuese ndaj Palës Përgjegjëse, në pajtueshmëri me nenin 30 të Ligjit të KPM-së.

E drejta për Ankesë

12. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
13. Bordi për Ankesa do t'i merr parasysh vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Muja FERATI
Kryetar



Datë